

石田先生文集

十



石田先生文集卷第十三



碑誌

濟南安氏先塋碑

濟南安氏有諱圭字伯玉者明法律起家始試
 補行省刑部令史尋遷樂安監司判官濟南府
 經歷官未幾又補行尚書省令史權行省刑部
 貧外郎仍正授貧外郎進至濟南行省左司郎
 中是時君年甫踰六十矣即謝事家君不起以
 至元甲子五月初七日終于正寢享年七十有
 一其子某以是月十三日葬君於某鄉某原先
 塋之東夫人成氏祔焉君先娶成氏再娶張氏
 成氏宣武將軍丘簿昌之女先於君二十年卒
 有子四人長曰伸次曰僖曰侃曰侃女一人適
 濟南張鐸伸為登寧場監司管勾配成氏有子
 五人長曰惟湛次曰惟潛曰惟澄曰惟溥曰惟
 泌僖監泰安州酒醋稅配段氏有子二人長曰
 惟洪中議大夫江西湖東道廉訪副使次曰惟
 洋侃為濟南府孔目官早卒無子侃朝列大夫
 知安東州配李氏有子三人長曰惟演從仕郎
 冠州判官次曰惟洲監濟州稅曰惟漢早卒曾

孫一十人長曰景范惟湛子也承務郎彰德
廣平臨水等處鐵冶副提舉曰景元惟演子也
進義副尉監杭州富陽縣稅曰景時早卒曰景
良曰景嘉惟溥子也後衛典吏曰景益惟洋子
也曰景璘惟洪子也曰景肅景周景魯景開景
略皆有學未官按安氏上世家隸郡後遷濟水
南郎中君獨能以吏文崛起致身高顯而其子
孫迪躡世美或仕茲學悉有名稱原非郎中君
生平有泚德懿行圖用世資不赫赫發於其躬
而彌致其來者踵踵也是宜植石鏡鐸以昭示
無拯銘曰

惟鼎鍾以受也惟穀帛以售也德克肖之永有
紹也

朝請大夫大名路治中致仕馮君先塋
碑銘

君名仲德趙州柏鄉人系出漢馮君之裔高祖
諱彬曾祖諱郁祖諱忠皆隱高祖妣李氏曾祖
妣王氏祖妣緱氏考諱安少有勇力能馳射不
肯服穡事會

國朝定中原兵南下遂起家為材士隸萬戶史

侯戲下後戰兩河間屢有功時史侯節制諸鎮
以便宜辟君為合扎翼提控官塔至宣武將軍
辛卯我師濟大河淮萬戶府行軍鎮撫都彈壓
官凱還主臨城縣簿尋遷高邑縣丞丁酉加柏
鄉縣尹凡為柏鄉縣尹者二十有九年而卒于
官妣路氏迨中統曰年君始襲父職柏鄉縣尹
至元二年改涉縣尹六年真受勅黃進敦武校
尉井陘縣尹九年依前官真定縣尹十七年遷
忠顯校尉同知晉州二十一年改信都縣尹蕪
管諸軍與魯勸農事二十八年進忠武校尉池

州路判官大德元年改安慶路判官八年進階
奉訓大夫知益都路膠州事凡自柏鄉縣尹八
遷而至知膠州自敦武校尉四轉而至奉訓大
夫至大四年始以朝請大夫大名路治中致仕
于朝夫人江氏再娶夫人蘇氏又再娶夫人田
氏子五人杞桂檜楷杞江氏出餘皆蘇氏出
也杞承門廕將仕佐郎主臨城縣簿桂監安慶
府河泊魚課檜監池州稅楷監太湖縣稅楷湖
廣行省宣使從子三人正柏鄉縣與魯次官
進武德將軍管軍千戶椿屯田百戶再從子一

人良弼佩白金符衛率府百戶嗚呼夫朝請君以門地少小即有官長益力有為豈不賢於人哉方之以進取為賢而不知用之亟而將自蹙者遠矣今觀君之歷官歲月又且循序守道理不蹠是能蕃衍碩大終致貴顯而無微咎也其從政蹟從可知也已其世德又從可知也已用宜銘諸樂石以勸銘曰

振振馮氏唐顯漢世厥後或疑不載傳記有燁胄出皇元朝請章甫以居賁其閨井亦有秀子宗支蟬聯金節象笏式華以宣爰考德徵允迪之承疇之昉昉禾之芸芸維天顯仁陰隲我人原念美實降相善純柏鄉之原豐硯植焉刻此銘詩尚茲鑒旃

故朝請大夫禮部郎中王君神道碑

朝請大夫禮部王君以泰定元年七月十有八日卒於北都留守之官舍有司給輦護柩扶還南都朝之卿士咸歎惋曰善人之亡矣其弔賻之者異常禮焉君諱興祖字景先甫衛州胙城人高祖諱魏金貞祐間及進士第官至寶豐令曾大父諱克溫金從仕郎輝州佐以節死大父諱

文昱以父死國難誓不仕父諱樹後以君貴贈
朝列大夫騎都尉追封太原郡伯母張氏追封
太原郡君君甫冠以文稱起家為汝寧府學正
官諸生翕悅率教因新孔子廟而使之知所尊
敬焉入補兵曹史從竇尚書往賑湖廣之饑竇
尚書用法須報下然後發廩君曉之曰人三日
不食即死矣柰何欲傳吏牘以殺人乎獨不見
汲長孺耶竇尚書是之乃大發廩料口給食全
活甚衆再以例遷樞密院及丞相府東曹掾故
事兩府掾屬得遇儲貳入府就中書令樞密使
位者加恩超一資君嘗持文書侍

仁宗皇帝入西樞一署字考成特授奉訓大夫
中書禮部主事奉訓官第五品制應封一代君
請于朝興祖五歲失父祖母丁夫人補紉紡織
保哺煦育使興祖負笈就師而今粗有樹立者
皆祖母之慈焉蓋母孫相依為命者也願以妻
封讓封祖母丁夫人于時丁夫人壽考在養詔
以為汲縣太君摺紳榮之而當代之有讓封竇
自君始延祐七年遷奉議大夫宗正府員外郎
准勅宗正府主比方刑獄凡罪無讞專論決之

君言宗正司天子屬籍議獄非朕也不聽會中書省檄命馳至湖廣江西兩省講畫歲賦便宜經總之法不使人煩至治元年拜監察御史上疏請開經筵選胄子採荒節用等事出按諸道至河南首劾行省叅知政事宜匝陌丁黨惡賊善毒流吏民臺臣以聞褫其官仍逮繫責對內外快之以中書吏部員外郎召還二年復以朝列大夫僉燕南河北道肅政廉訪司事論列十事率以敦本崇仁隆儒術為務且纂萃漢唐諫臣偉蹟名曰憲覽數百條並上之錄大名廣平

囚禁民有榜箠成盜者凡五人獄辭具矣州史抱爰書引囚伏庭下請曰某囚有罪律當某刑君徐曰囚實非盜使囚果盜則口語與吏牘無異茲視吏牘皆牽合文深之辭囚何知此即脫囚械而出之浹日它州牒得真盜立致長吏于理滿二歲召為中書禮部郎中以職分曹從扈北上國制乘輿歲巡陪都其環侍儀衛文物聲明國容愈盛宗室諸貴必加宴豆鬼神祭祀必加數等故禮部分曹而北者尤叢沓難治君優游不急區別刃解名譽藉甚詔賜白金五十兩

以褒賞之未幾遂卒于位得年五十有二夫人
呼延氏子一人毅國子典籍始君出曲周輝州
府君官衛地因留為胙城人旁古河渠水去故
道及淤成沙日漫没人廬舍冢墓其嗣子毅承
治命改卜新阡於衛之西南三十里小店之原
君自仕多歷顯要視聲利為障蔽聰明之物中
弗好之也然每悼士逐世化而亡其所學奮然
欲有以激厲之不果也可謂有志者矣方予對
策南宮時君在省曹手閱著令以試法已期其
為令器而辱與游從同官京師交道益篤而比

君死五日予以祀事出使悔不得執紼葬道而
其孤毅泣涕衰經拜而起曰先子之卒太常博
士柳貫已誌其壙矣惟是墓道之碑願有以揭
之遂為銘曰

維景先甫早用儒顯績學之勤乃應時選克克
惠和襮于裳冕霸孤養親行以不忝端矢射侯
飲讓而升實羹大釗陳諸廟庭才以脩官政服
孔宜問俗在塗召節屢馳訐訐詒詒不亟不遲
議禮考功有秩有儀從扈陪都卒為鬼徒反葬
衛墟里人紼舁有膺者原百泉在北刻諸樂石

終古不泐

征行百戶劉君墓碣銘

趙郡蘇天爵述其外大父劉君行實乞銘於馬祖常曰先妣武功郡君昔安樂時念其父不忘懼其善不傳而名遂泯泯也嘗以語天爵迨先妣棄世外大父終不得銘天爵蒙慈母之教誨粗有樹立於時圖所以繼親之志者天爵其可不勉祖常曰孰無親乎孝於親之身者尚矣矧又能思廣其親之志乎乃為之序而銘之序曰劉君諱成字立甫貌魁岸竒偉讀書涉大義不

事章句歲壬子國家初籍民田襄鄧間君與其兄俱在行中第勤穡事每代兄作勞田官稱之久之從伐襄陽先登授百夫長嘗率數十騎略武當宋邏兵四合屢突圍出皆不勝或欲降君殺馬為食居數日不降宋人疑其有誘各引去衆服其勇丞相伯顏將大軍渡鄂州江命別將阿里海涯率萬戶張興祖軍分徇湖廣地君復與其兄從破羅飛文才喻周隆黃必達張虎諸軍薄靜江元中瘴毒死君扶其柩而北葬既襄事輒屏跡田野課僮種樹畜牧耕桑衣食以自

給於湖南遇兵俘一儒生黎姓用金購之曰此
儒生不善力役歸我我將俾為弟子師果同歸
教諸子於鄉餘所全活者衆此儒生其一也享
年八十有四以延祐三年正月十又二日卒葬
真定縣平樂原先考萬戶府君之兆考諱義起
行伍元帥史天倪辟署權黑軍萬戶會副將武
仙殺元帥叛即從元帥弟丞相天澤擊走仙轉
戰兩河平金有功妣夫人孟氏夫人董氏前君
二十六年卒子二人曰寓曰海孫二人曰允中
曰弘中女一人故中憲大夫嶺北行中書省左

右司郎中蘇志道之夫人追封武功郡君今奎
章閣授經郎天爵之母也女孫四人一適奉訓
大夫萬盈倉使李恕一適張林一適侯閻其一
幼也世本應城人金季山東河朔兵興賦雜蹂
菹醢其民獨真定城完君之考因占籍焉而今
為真定人者自其考始郎中蘇志道年少日君
識其為令器以女歸之後其甥天爵又以文學
進有官于朝孝而能成母之志俾其外氏之官
閔世次刻於金石者竟賴無力焉銘也無媿銘
曰

振振劉姓考室真定挺身兜鍪而官弗崇雖則弗崇勇也匪躬斬馬啖卒出金購士其謀則懿其惠則侈其迪其啓以多孫子女實命婦副筭封君出甥維彥日肆於文克表外氏績茲勞功刻詩墓門維以亢宗

監黃池稅務王君墓碣銘

王君元父既歿之十一年其子國史院編脩官沂茹哀請於馬祖常曰子與予同登進士第又同官于朝先人生世以迄于卒其行誼無愧而終齟齬以不合於時者子能知之其宜揭以傳

後者子宜為文沂之述諸狀者子宜加詳焉按王氏出姬姓周畢公高裔孫萬事晉更十世得列為諸侯滅於秦子孫徙雲中地今之弘州六世祖遼戶部侍郎山甫始著於家謀子三人曰元節密州觀察判官生詡金左司貲外郎以文學稱蓋世闕遠矣曾祖諱銳金尚書戶部貲外郎祖諱國綱金監察御史使河中詰總帥完顏仲德戰敗死節考諱振艱關轉徙占籍真定力學底行起家至江南浙西道提刑按察司經歷配丁氏有子三人長諱宗禮季諱宗義皆早世

仲即君諱某幼自知問學侍經歷君居浚都為士子經師尤長於詩詞試浚都文學掾辟江東道宣慰司令史會使專恣他吏恐諛弗敢仰視君每以義持之屬歲潦饑群無賴起績溪盜效相募民不輯寧宣慰司遣君覆視還請蠲徭穀廩以賙吐隸盜遂息進將仕郎宣城縣簿縣比歲供玉面貍四十畢粟不獲則轉購他邑糜費毒民君至請悉罷貢姦民有詭逃田賦者歲取償里胥吏循格不究君一正其籍乃建孔子廟築壇崇社春秋飭其牲器以與邑人行事川有

梁田有溝道有寓望吏徒有畏而弗肆民知有政而趨功監司郡守爭為鼓舞江淞行省屬錄寧國太平二郡囚又屬覈考江陰錢穀他州縣訟累歲不決者多以屬君所試悉有能聲江陰盜有枉為脅誅者吏黨按之既誣服已君反覆得其情為具獄白行省事上中書移刑部刑部允君議遭脅誅者得免死南陵縣僧以貲雄持縣短長堰溪水溉私田霖潦水溢則漂沒崩蕩邑人訴於縣吏懼莫能施行君詣視毀之老幼至撫手拜慰且曰君出一鄉於魚鱉矣未幾擢

江湔行中書省掾曹無留事適湔西廉問官與君素同里少持氣不相下頗嫉君君又不自訟起除瑞州平準庫使不就改仁和鹽場司丞又不就家居數歲又改平江行用庫使州縣趣曰君所與游盡一時知名大夫士咸燭君寃而君終不自訟就使終不赴孰與君真乎忍是一往而毋變君素守以流於物將推應君之迹當不誣矣寧無為君採於有司也君不獲已就官久之自免歸階前賢遷承事郎監黃池務稅以至

治三年五月十三日終于家享年六十有七以某年月日葬於某州某里之原娶把氏潁州判官時之女男三人澄沂洙女一人適湔東廉訪使侍其同朝之子通孫男二遷善崇善孫女二人皆幼君甫冠即自立勤苦為文章履其身以莊儉六未嘗遇為崖機其官業行己之略一皆自信不妄計進取少顧時人之所為而六以此稱之然亦以此嫉之至大間嘗為書言任人別邪正養民重守令法不可輕出期少施於朝廷而書不果上執政聞君名私使人致款欲官之

錢監君知不足與共事卒謝去後果敗而君益
畜其學以老不克用鉅公聞人累薦君才宜理
劇文學宜館職皆不報屏居錢唐詩書尊俎詠
謔息偃泊然亡毫髮世俗慮撫育諸孤子姪誠
愛天至而急人之窮獎人之善汲汲焉猶負宿
諾而抱隱痛皆他人所難而君為之不知為有
德尤人之所難也其所著有政要書十二篇陶
詩註三卷詩一卷嗚呼天興之變國土疣裂焚
剽剪薙不百年而金之名家善士之子孫遣子
不數戶矣初御史君以直節死人惜其未能大

用於時夫固知經歷君之起王氏也經歷君位
不配其德以歿于今凡幾年而承事君又斥不
用君子悼曰不幸然孰知後世之將昌且久與
今沂以進士入官有古學方嚮於用而克濟其
美於未艾豈其碩大光顯又將在茲歟是宜為
銘銘所以使後世為善者不怠也銘曰
冕弗媒也玉有珌也一擯不用有子指也彪炳
而文立其嶠也載善於銘行安轍也

石田先生文集卷第

碑誌

故禮部尚書馬公神道碑銘

公諱月忽乃世本屬雍古部族居靜州之天山
天山古居延海也曾祖諱帖穆爾越哥祖諱把
造馬野禮屬皆以財雄邊父諱錫禮吉思當金
遷浚都尚書省辟為譯字掾曹試開封判官改
鳳翔兵馬判官死節贈鎮國上將軍恒州刺史
官名有馬因以立氏父死節時公年甫十七壯
其父之忠義奮而投冠于地誓曰吾父死于國
難吾紓家難可也遂侍太夫人王氏艱闕鋒鏑
跋涉星夜出汴絕河而北見

憲宗皇帝於和寧年少鋒容端敬

憲宗嘉賞之命贊卜只見斷事官事國朝天造
之始總裁庶政悉由斷事官燕故城為斷事官
治所中原久剝兵燹民謳吟思見太平之日公
力籌畫規度政修事舉士悅民附胥為大和
世祖皇帝以親王南伐公從行留汴餽饗六師
悉發輶轔人賦一石取濟南鹽自堰頭舟行陸
輓數百萬斤散布軍所過州郡汴蔡河南之地

農在野而商在塗不恐不驚而軍政修焉
世祖皇帝即位降詔褒獎其詞有曰有此勤瘁
深可尚嘉云者阿蓋答兒據魚兒泊叛倉卒之
際公罄家貲市馬五百匹進上

世祖皇帝嘗給券賜其家曰後當償汝以版戶
遂試學子通一經即不同編民今令甲儒免丁
者公始之也中統建元既肇建省部明年拜禮
部尚書佩金虎符四年八月二十一日薨于上
都之邸第訃聞内外文武之屬縉紳之士咸嗟
悼盡傷形諸文字之間迄今傳而不泯也嗚呼

公之薨年甫四十有八即以某年某月日葬于
大都宛平縣清水河之陰之原太夫人王氏墓
後梁郡夫人白氏祔後六十四年為至順元年
曾孫祖常辱官禮部尚書請于朝追號推忠宣
力翊運功臣勲上輕車都尉階正議大夫爵梁
郡侯官僉樞密院事謚忠懿子十有一人長諱
世忠常平倉都轉運使次諱世昌行尚書省左
右司郎中孫祖常官忝第二品推恩二代贈
議大夫吏部尚書上輕車都尉梁郡侯次諱世
顯知通州事次世榮早卒無子次世靖不仕次

世祿中山府織染提舉次世吉承公廕絳州判官次審溫嘉議大夫歷台州淮安瑞州路總管餘三人蚤卒不仕女四人三蚤卒一嫁廣東道副都元帥閩里吉思孫二十人長諱潤朝列大夫同知漳州路以子祖常備侍御史贈中奉大夫河南江北等處行中書省叅知政事護軍梁郡公次節入王屋山為道士次禮下砂鹽司丞次淵不仕次開監在京倉次遺道遵皆蚤卒次通迪次保六賜提舉都城所次未名卒次岳彝武略將軍蘭溪州達魯花赤次雅古處士以孝

卷十三

六

聞次必吉男奉訓大夫同知興國路事次祝饒監富池茶場餘四人未仕曾孫三十一人長祖常由進士轉官侍御史次祖義郊祀法物庫使次祖烈汴梁等路管民總管府案牘官次天合監杭州鹽倉次祖孝管勾河堦鹽場次易朔南察院書吏次祖謙昭功萬戶都總使府知事次祖元信州路教授次鹵合知行唐縣仕者九人餘者學而未官也玄孫若干人長武子中書省掾次文子國子生次獻子惠子並國子生餘皆幼諸女孫以多載於家傳茲不重出嗚呼我曾

祖尚書德足以利人而位不稱德才足以經邦而壽不享年世非出於中國而學問文獻過於鄒魯之士時方遇於革昧而贊襄制度則幾於承平俾其子孫百年之間革其舊俗而衣冠之傳實肇於我曾祖也嗚呼祖常生三十三歲父潤南官漳州教祖常曰吾祖有德未盡發吾官州郡不得施今汝頗樹立其大將在汝也後祖常佩父訓不忘忝官翰林直學士太子右贊善大夫禮部尚書叅議中書省事入臺進侍御史叨冒寵榮夙夜憂懼惟恐違父之教而墜我曾

卷十三廿

祖之業蒙不孝之罪死不瞑目於地下葬儀不具塋域不廣欲改卜而迂之宗老曰封樹八十年矣神殆安茲未易改卜嗚呼祖常既撫我曾祖行實萬一而略論次之矣忍不泣而終銘之

銘曰

有崛而起之孰趨而倚之將濟世美必承而履之懿矣我祖百年于茲衣冠之傳實維啓之世多王公之華靡惟不革俗而忽其地繩繩孫子思馬有氏咸宜習禮以續廟祀

勅賜御史中丞趙公先德碑銘

皇帝御奎章閣詔大學士臣阿榮若曰御史中丞臣世安事朕日久克庸祇畏相彼世傳諒有啓迪之者其令臣祖常為文以刻於碑臣祖常北向受詔廼屬辭為碑之文以應詔曰

皇帝將勸忠於天下俾人臣知善後之道茲千萬世慮匪私於臣世安也謹按中丞臣世安姓趙氏始居奉聖州之磐山四世祖柔當金季朔南淪胥為丘墟矣柔團結義民柵險以阨其兵衝使不得犯為便道以給薪水如平時鄉之人賴以全活者億萬計會天兵下紫荆口柔率義

民歸行省八扎且以單騎入各堡砦諭逆順各堡砦豪長皆弛兵來歸我行省行省以聞制授龍虎衛上將軍真定涿易等路兵馬都元帥佩金虎符兼總管銀冶再進總管諸處打捕鷹坊加金紫光祿大夫有子六人長守贊佩金符僉山北遼東道提刑按察司事仍總管大都保定打捕鷹坊次守信忠翊校尉廣宗縣尹人戴之如父母焉次守仁蚤卒不仕次守純官百夫長次守政權打捕鷹坊府職一學老子法有道提點汴之朝元宮以方外故不名守贊二子長謙

襲總管打捕鷹房次晟善治民作縣安喜鋤其
武斷鄉曲者縣在畿甸上下稱之選為行監察
御史再遷監察御史山東道廉訪副使燕南道
廉訪使以年改翰林直學士遇公卿輒指言時
事利病不休也守信二子長貫蚤早次簡今洛
水縣尹貫子世安廼今中丞守純三子長還閭
官百夫長次遷閭提領打捕鷹坊次山而蚤卒
守政二子長允昭信校尉保定路總管府判官
次密總管大都等處打捕鷹坊維趙氏以國姓
世系綿遠譜牒無考北土尚質復不肯以姓之

顯者為所出故奉聖趙氏自元帥以下迂卜珠
顛山之陽已而又卜宅於龍安今遂為易州涑
水人涑水趙氏雖四世為郎官大夫然自中丞
起家給事禁闥侍

武宗皇帝冕服即蹈規矩言行有常事

今上皇帝於潛邸勤勞夙夜夷險一心天曆之
元

皇帝入正大位徵拜叅議中書省事旋入中書
叅知政事

上讓位居東宮改詹事丞領典用監卿復入中

書叅知政事領經筵事陞拜中書左丞入臺為御史中丞官資德大夫立侍正府以中丞兼侍正光顯榮遇在廷鮮倫而其折節下士蓋有人所不能跂及者令典官第二品得封二代異恩特封三代焉曾祖柔追封天水郡公謚莊靖曾祖妣南氏追封天水郡夫人祖守信贈資德大夫中書右丞上護軍追封天水郡公謚康惠祖妣李氏追封天水郡夫人父賈贈榮祿大夫大司徒柱國追封魏國公謚貞憲母劉氏追封魏國夫人臣嘗讀古書歷徵紀載年表列傳臣事

多矣其際會者不一或以戰多或以民庸或以文章或以勤勞或奮於功名以垂於簡牘夸者謂各以身致之無有不奕世載德爵位不大以蘊蓄茂蔭於後昆者也古則遠矣臣又幸得備從官聞

世祖養德王藩時則有君姚樞趙璧

仁廟則有君李孟斯亦雲從龍而風從虎矣其濟源豈無自哉要之必本於仁而其傳自遠也傳曰活千人者有後元帥生逢末世手搏鬪諸盜以完黔首者衆矣奚啻千人哉則其後碩大

昌熾遭遇聖明以成其名以顯其親者揆之於
天道何疑焉中丞今一子曰亨提點太府監內
藏庫臣祖常辱列侍御史每從中丞在官日承
論議持平臧否於疾言遽色弗之有也詔既命
臣為文臣敢舞蹈百拜而獻銘曰

有趙之裔北遷于南涑水亢宗元帥多男赫赫
元帥叱咤風霆柵木壘石保有萬丁闔賊于原
完我耄倪自頂及踵膚無一疵豈有膚疵又無
凍飢便其薪蒸食飲以時活人萬億歸我行省
天子曰嘻予大肆耆尢厥逋迯悉來奠居申命

行州人

卷三十一

羊

元帥金紫懸魚有善有慶具美于胤弘憲尹民
咸樹官政廣東之郊土瘠而境膏以糞壤衆桑
咸苞民樂趨事戴以父母迄今有歌興于田畝
安喜繼武實為第昆鑠其頑礦使民不寃司徒
魏公隱德于躬鍾美集厚全天而終教祥中丞
事我

皇帝兢兢翼翼夷險不二

皇帝曰咨咨爾臣同我篤爾先維以勸忠維以
勸容培植基本爾臣銘之告于公衮

勅賜大司徒薊國忠簡公神道碑

公世出朔北屬衛兀部小字忙兀的斤初公父
朶羅朮徙高昌國王內附當我

定宗

憲宗之時以未用中夏文字朶羅朮始用其國
記畫言語為札書習諸部人

世皇在潛邸亦頗講于其學朶羅朮既卒廼勅
使者召公朔北公至上手公入便殿謂昭睿順
聖皇后曰是見幼貌偉絕肖其父宜出入屬侍
間朕不忘朶羅朮也久之以能世父業命以其
書職教內諸御出宮人忽都花妻之至元十年

三十一

卷三十一

九

特命公提點資成庫階奉訓大夫主尚方幄殿
仗宿屋令十五年詔改資成庫為尚用監拜公
太監階中順大夫十九年遷太府太監廿五年
又改尚用曰中尚仍拜公太監進太中大夫未
幾遷中尚卿階嘉議大夫尋命兼知太府監事
階通議大夫

成宗在位思顧舊臣以公久勤事特授正奉大
夫進秩二品時上省方陪都嘗清暑西華門見
公第庫隘衛屏飾不稱遣近侍諭公曰朕固知
爾能有貧然家苟不給當朕言毋諱公謝曰臣

材亡可錄者被先朝恩冒有俸稍廩既以給衣食乘堅策肥若疇人子姓非不有所欲顧以無能不敢浮竊厚貶爾上聞益賢之武宗至大元年詔陞中尚監為中尚院就拜公中尚院使三月拜大司徒進階榮祿大夫從一品秩公以位泰固辭不許

仁宗奉昭憲元聖太后入平內難召公計宜隆福宮公從容傳白多援祖宗訓實及制事御統之變其語罕泄不傳皇慶元年

仁宗即位復拜公中尚卿每給事直宮對上必

懇陳治要與國政在顯位無益於民者指切言之上亦以公宿貴有德者多味公言勅中書賜楮幣萬緡公又謝曰臣自以為置肝腦不足酬上德日兢兢不敢有墜言汗履以孤累聖之眷故常有狗馬之心今病力不能任服事寧幸財於無功耶上固勉之終不受其年十一月二十六日以疾薨於昭回坊之賜第壽七十有六初葬順州第四鄉葭信村之原元統元年四月公第五子監察御史塔納始買地於大興縣燕臺鄉艾村原作為塋垣樹列翁仲石儀舉公及夫

人之樞葬焉於是臺臣以聞有詔贈公銀青榮
祿大夫太保上柱國追封薊國公謚忠簡夫人
忽都花贈薊國夫人仍命具公行壽善勞世族
官治樹文於碑刻之神道以假寵公之孫子塔
納以監察御史某之狀以請臣論次其言曰我
國家肇奮朔土車輿廬帳冠帶裘服以旦暮從
事於四方有攻伐之具有守禦之備軛牛輶馬
必物其足力毳革筋木束輳之器必權其功詰
節比協材必皆良而後用故國初即設官以典
焉蓋一代之制不比於衛尉太僕乘黃守官令

供億於祭享會朝幸畋而已公以朔北聞族受
知世祖自少以至于老曰資成曰尚用曰中尚
未嘗一歲去他官而尤悉力以勤其事不以久
而不足狃也其知此者乎夫在位者數徙則不
得久其官官非久則無以習而知其事故下無
所馴以安其治其弊賢者不能以及於功不肖
者罪不積於著而免天下之不底於理其不由
是歟臣觀公之久於其任任之之專而得
世祖任官之意焉雖然在位者非其人而恃久
以為治亦未有能治者也又觀公之善於其職

與其廉取輝榮而得公之為人焉信公之言以質公之行則其賢遠哉是不可使無銘也已公有子十人曰明里忠翊校尉監重慶路瀘州曰八扎不花亞中大夫監安豐路致仕曰秃忽赤奉議大夫監南陽府裕州曰德奴武德將軍監汝寧府光州曰塔納奉直大夫監察御史曰脫烈不花曰太平曰曲林不花未仕曰脫不花曰六迪不花曰七山皆天女一人為監薊州名上都之妻孫男十四人曰脫禾中奉大夫湖南道宣慰使曰脫脫忠翊校尉同知宿州事曰忽脫

曰忽都不花曰桑里不花曰不兒罕忽里曰萬僧奴曰和上曰給只哥曰燕帖木兒曰德僧曰縛住馬曰伴伴曰忙哥帖木兒俱未仕曾孫七人班迪承事郎昭孝營繕司大使曰禾上曰興哥曰山僧曰海僧曰觀音奴曰福僧俱幼嗚呼公既顯榮壽考以終其身距今甫二十四年而後嗣之蕃衍盛昌若此塔納又能脩敏質勤以名其官方嚮用未極非其力勞而報約之微耶古所謂泚人君子者公於是可以當之矣臣攝官御史中丞塔納在察院故於其請奉詔不敢

諱廼再拜稽首為系之銘曰
位藉而勤世不必久也公不以久而績益懋也
寵馳而豐人寔斯受也公不以寔而廉自厚也
夫惟其賢宜有壽也既碩既延公多後也燕臺
北鄉墓焉公歲奚改于卜龜食惟祥曰貴與財
孰顧靡懷貴驕財悖式貽身象維公則不維志
之求敢告胤續禔公之休

霸州長忽速刺沙君遺愛碑

霸州達魯花赤于闐忽速刺沙去官之明年州
人列其事狀將勒諸石太史氏按事狀而為論

次之曰始州有惡子房黑廝藉屬縣益津諸田
五百頃上於會福院者會福以禱祠為官不急
民事即遣屬人按圖制民田前官悉不敢何問
而君廼告於大府請于禮部竟歸其田於民十
七戶武斷里閑冒占征戍軍士名藉不應役前
有司亦莫之省也君詞得之咸各俯首不出一
語以服事編伍州在甸服百里藁結之入官歲
以齏償之比官齏至集民於州而口給之君均
以法人皆便之州雜五方之俗庠序之教不興
君帥子弟以學而民知愧恥而遠罪凡若此者

不一至於稅稍廩而食餓者禦田獵以勸耕者
梁津表道封植遂宜合社祀神雨暘時若是以
知古之循吏之跡傳於載記者尤盡可信也夫
古之循吏視今為無難者蓋嘗指以語諸人矣
國家官制率以國人居班簿首州縣則又仍國
初官各置建達魯花赤負並守令丞佐連任坐
署闕然言語氣俗不相通大或恣睢歷僚吏小
或嚙齧單弱使者治則稱謂氏族貴重人人
皆假貸不繩細微廉慎之節彼亦徃徃甘心焉
而欲効古之循吏能專志於治者寡矣君能不
牽於時俗而且有所振起可謂賢也矣如此則
國之職纂錄者可不為之書以為訓於當世焉



石田先生文集卷第十四

碑誌

勅賜太師秦王佐命元勳之碑

元有佐命元勳之臣曰太師秦王中書右丞相伯顏弘父帝室有敵有烈輔理旬宣弼諧寅亮小心夙夜幾三十年人用榆誦延茲休聲蓋古所謂社稷之臣也上即位之明年制詔御史中丞馬祖常答曰臣伯顏有勳總于世宜文諸石以勸有位爾言不誣其令有司具其詞我文宗中興之賢勞及其世闕行治序次之臣祖常受

詔百拜退為文以進曰初文皇帝以武廟之子出居南服民臣或思依歸焉王時以平章政事佩虎符節制江淮諸軍鎮汴故太師太平王右丞相臣燕帖木兒建義迎文皇帝于邸使以告王王即檄下諸郡縣便宜發民丁給衛士聚芻糗金帛驛輸之用不足則貸商人貨約償倍息又許民折來歲賦充上供殺諸不用命者奪之官日接盟介冑坐省中指竿釐劃節警近廣儲峙浚隍壘堞剝缺完治使堅夜臨按盡五鼓下不遑寐雖葦礫絨鑰之微服饌享之具必曲

碑其心力別募驍勇五十人往扈蹕于道始亦
刺里者有二于上屬乘傳來京師遣部人蒙哥
不花月魯台羅里遂殺之尉氏館平章曲列右
丞別吉帖木兒以私持時銳鈍疑沮王王手刺
死之榜於衆以舉義事戒有司奉行毋忽民翕
然引領幸上之來朝夕急而泰政脫別台萬戶
明安答兒欲連兵圖不利脫別台手刃坐王下
數、睨幾刃王王起拔劍擊之走追斫其右臂
殺之以狗取所佩符節整齊其部兵得驛馬千
二百騎下明安答兒獄使聞上悅甚遣撒里不

花拜王河南行省左丞相是年秋八月廿日大

駕臨御汴王掾

掾一作稅

強彙鋒率汴父老子弟

導上至汴邸捺階下諸陪從官率卒吏賞予各
有差百給物固有織鉅單取如寄而汴人且謳
吟市不易殆不知載體之大而勞也明日上解
所被鎧御服寶刀及海東白鶻文鶻為賜王趣
勸上曰神器虛久請亟吐轅以主宗社迺空車
徒嚴約令麾單羅絡扈上渡河度道計日以息
至則頓進供張靡一不具士無敢諱以怠而民
扶携望拜歡呼如恐後越七日駕還宮以九月

十三日正皇帝位詔天下改年天曆大業遂定
加王銀青榮祿大夫河南行省左丞相尋拜大
尉賜黃金二百五十兩白金一千兩楮幣二萬
五千緡加開府儀同三司錄軍國重事御史大
夫中政使明年正月拜太保加儲慶使尋又賜
白鷄文豹降虎符加忠翊侍衛親軍都指揮使
時上以天下讓明皇帝居東宮拜太子詹事太
保官階勲職悉仍故八月拜中書左丞相九月
加儲政事三年正月拜知樞密院事至順元年
特命王有大勲勞於天下凡飲宴賜以月脫之

禮國語唱蓋也王定大難誅戮既多宜防不測
賜怯薛百人滅里吉百人阿速百人俾朝夕
宿衛王左右以備非常仍賜黃金兩龍符其文
曰廣忠宣義正節振武佐運功臣繫以寶帶令
世為明券又命闊出王之孫女二年八月進
封浚寧王加侍正府侍正十月加昭功萬戶都
摠使十二月加宣毅萬戶府萬戶忠翊侍衛親
軍都指揮使佩故金符三年十月加徽政使元
統元年六月今上踐祚以翼戴定策之勲
越二日拜大師中書右丞相上柱國監脩國史

兼奎章閣大學士領學士院太史院樞密院漢人司天監事八月加領經筵事十一月改封秦王二年正月加威武衛親軍都指揮使太師樞密職佩符領軍如故王者十有五歲成宣宗命侍武宗于藩飭躬盡瘁不自暇逸勞任愷使必先諸御人仁宗王明宗于周命王為周王常侍四年拜江南行臺御史中丞五年拜御史大夫六年拜江淞行省平章政事三年拜河南行省平章政事在汴所至索政所宜施利害與民舉除之而宿奸碩豪異時常矯虔以毒民者徃々褫魄去懼罪之將及已故四海之人靡不相為鼓頌而被惠之邦尤嗟其來之暮而以不久留為歎且望也父曰原故

武宗嘉愛焉大德五年從武宗北征與海都軍戰鐵堅固地戰哈刺塔花塔地斬虜軍諸將十年部將斡羅思失班等遁王追擊之失班格罔不下王數戰力至失刺不刺地失班降即不殺十一年武宗自和林入纘大統錫名曰把都兒拜吏部尚書把都兒國語雄武也至大元年改

尚服使其年十一月拜御史中丞二年十一月
拜尚書平章政事特賜龍虎符領右衛親軍都
指揮使三年正月加官特進延祐三年謹只兒
搆宿衛興聖太右宮皇贈懷忠秉義敏德衍慶
惠迪功臣太師開府儀同三司上柱國追封鄭
王謚忠懿妣燕赤吉納鄭王夫人大父曰祿海
故領軍百戶從憲宗平宋攻合州釣魚山戮力
王事以破皇贈守忠翊正劾節宣力功臣太師
開府儀同三司上柱國追封河南王謚莊順妣
忽剌真河南王夫人曾大父曰探馬哈兒給事

宿衛皇贈服勤翊衛秉信基德功臣太傅銀青
榮祿大夫上柱國追封陽翟王謚敬簡妣忽都
真陽翟王夫人元統元年上猶以恩禮為未祿
也令有司更護進封曾大父曰服勤翊衛履信
基德功臣太師開府儀同三司上柱國追封淮
陽王謚忠靖妣淮陽王夫人大父曰推忠宣力
同仁劬節勤遠功臣追封淮王謚忠襄職階勳
如故妣淮王夫人父曰推誠秉義協恭保德翊
運功臣階勳爵謚忠如故咸有褒辭以示殊禮
正室夫人怯烈真氏加封秦王夫人故丞相野

仙普仁女故太傅右丞相禿忽魯之女弟兄四人長也速迭兒平章政事留守次雪你台次燕帖木兒中政使次教化的尚服使皆世弟二人伯要台蚤卒次馬札兒台今御史大夫子男二人長把剌釋理次沙加釋理咸備宿衛世誠兒吉解氏夫以王之忠清粹德輔翊累朝孝友於家嘉靖于國禮以自持義以立功董萬事之紀成熙洽之治為一代之臣宗而又有捍王定策之大勲著在我國家信史有載鼎銘是刊宜也矧又秉國鈞捍仁澤佐我天子于未艾則夫爵

有王土極此光耀寵榮以燦休美於後世不其尤宜哉古稱有社稷臣者王之謂矣國家平康百有餘年君臣之際於斯為盛天子名碑首曰佐命元勳臣祖常文其敢辭謹齋沐而獻銘曰赫矣文帝龍奮于南雲雷經綸家難用戡梁奠中夏八方之樞一有集鏡則托我後豈托我後民胥于痛匪直民痛將敦我大謨有嶷秦王殿師于梁襲甲于裳斬其無良合兵在郭秣馬在廐以迓我元后則罔不奔走元后戾止羣覲郊迎弓矢鈇鉞象服鸞翔大勞兵士牛酒金帛

賈譎于區農嬉于陌穢舟河許謹帝之來神工
授能瞬茲濟而帝曰王賢汝久服事相與有家
式殫勤瘁予聖考武皇惟王之嘉大毒收指氣
無留遮外官蕃垣焱其鷹揚奉予一人征徒皇
皇虎旗龍章日月之光帝車載安言留上國廟
見告主配天遠極迺肆大青乃旌有德王實左
右以毗以翼皇帝曰嘻晝日三接鎧服寶刀金
篆苻節往拯予揆施我民禔獐者以恬呻者以
悵孰降割于下鼎湖攀號時定大策王實焦勞
肆聖天子文皇帝是以乃圖王封繹彼世紀山
川土田南國之埃曰佐命元勳惟王實有天子
詔臣臣揭碑首臣辭不誣庶以永後作秦王考
以續周百

太師太平王定策元勳之碑

皇帝御興聖殿制詔中書省臣曰惟太師太平
王中書右丞相臣燕帖木兒以忠孝世臣戴于
中興功在社稷其令臣祖常文於碑以昭于無
極焉臣聞帝王受命天必儲瓌偉絕世之資將
相之才與之會遇以成大業如我太祖世祖英
傑智謀之士聯裳充庭以為一世之用者豈非

天武天曆九年戊辰皇帝將正大位天人合應
丞相臣燕帖木兒以八月四日甲午率勇士十
七人兵皆露刃達大義於禁中乃誓於衆曰武
宗皇帝有聖子二人孝恭仁文天下大統當歸
之今爾一二臣敢紊邦紀有不順者斬手拚平
章烏伯都剌伯顏察兒縛之分命勇士執諸疑
貳者咸下獄待罪籍府庫錄印符空百司皆入
內以聽命其日屬學士臣明理董瓦等乘遽迎
皇帝于中興路密以意諭河南省臣而稱臣勸
進者接踵於道左矣癸卯帝撤敦子唐其世皆

棄其妻孥來皇帝以是月之甲辰發中興以丁
巳至京師比至泱甸之間兩以左右矯稱使者
南來者云駕已次近郊諸王及河南省臣萬戶
各以兵從民勿譁驚北來者云皇帝大兄且至
於是中外翕悅而衆志定矣九月庚申諸侯王
王禪將北軍軍榆林西丞相出師彼未及陣趣
撤敦馳入營壁衆潰追之懷來戊辰敵入千門
鎮關撤敦赴之戰東薊敗之十有三日壬申上
即皇帝位於大明殿受百官朝甲戌進開府儀
同三司上柱國錄軍國重事中書右丞相監脩

國史知樞密院事賜五金五百兩白金二千五百兩中統楮幣一萬錠金織雜采二千疋白鶻一青鶻一文豹二丞詔將大軍東出薊討禿滿帖木兒平章即日就道乙亥宿三河夜二鼓偵者報王禪兵奪居庸關路六口丙子裹糧趨榆河未戰聞大駕出宮親督將士亟請見上奏事曰凡軍事一以付臣願陛下班師撫安黎庶上旋宮明日丁丑指揮使忽都不花塔海帖木兒同知太不花陰構變未發事覺械三人送關下斬之己卯與王禪前軍戰榆河勦之追殘兵于紅橋北阿剌帖木兒槍刺馬前盪馬斫之刀中左臂部曲和尚斫忽都帖木兒亦中臂二人皆驍捷將也會日晡就宿戰所庚辰上聞之遣使賜御衣一襲慰勞甚渥兩軍隔紅橋水為營辛巳合兵鏖戰白浮之野大敗之手刃七人夜二鼓盡呼裨將阿剌帖木兒孛倫赤岳來吉使將百騎風上文謙亂以鉦鼓箭射營中敵自蹂躪至旦始悟壬午天霧王禪等得棄甲北走癸未兵復集我軍列白浮行伍立如植木敵不敢犯至夜又命撒敦出其後南向八都兒脫木兒

出其前北向鼓譟大呼吹銅角雜人馬聲彼營
軍不知計又皆夜相射旦乃西走八都兒者華
言猛士也甲申襲王禪兵于昌平北上遣賜上
尊酒諭旨曰丞相每與敵戰親冒矢石旣不虞
荼宗社何以大將旗鼓督戰可也丞相曰凡戰
臣先之敵後者臣論以軍法是日斬首數千級
降者萬餘人乙酉去衣履徒跣求生者又萬餘
人王禪遂單騎亡入北山叢也速歹兒也不倫
撒敦追之是日還至昌平南敵將竹溫台闊
攻破虎北口掠石槽民丙戌先令撒敦進以大
兵會諸侯王兵轉戰四十里至牛頭山獲字羅
帖木兒蒙古荅失牙失帖木兒撒兒討溫四大
將縛兩手載於馬鞍獻上天子斬之降者萬人
餘兵四散夜遣撒敦脫脫木兒遮虎北口要其
歸途丁亥諸侯王也先帖木兒及禿滿迭兒驅
萬人薄我畿甸跳梁通州城下十月己丑朔日
晡彼方憩馬我軍直擣之不及抽一矢東度潞
水而逃庚寅各面水陣兵不戰辛卯宵遁我軍
渡潞水襲之癸巳再與諸侯王太平也先帖木
兒朵羅斛及禿滿迭兒荅海血戰擅子山棗林

唐其世從殺太平於陣中餘夜遁甲午撤敦脫
脫木兒將兵追捕乙未諸侯王忽刺解指揮使
阿刺帖木兒安童自紫荆關口犯良鄉丙申我
軍循北山而西士皆馬上食馬以囊盛草粟繫
馬口且行且食至盧溝忽刺解兵潰凱還都人
觀者拜者填道入見天子無矜容馬上大悅己
亥進封荅刺罕太平王以其地為食邑降制褒
美功名烜耀刻黃金為印章以寵賚之珠對衣
寶帶一具荅刺罕華言世孫之也禿滿迭兒復
入虎北口戰檀州南殲之萬戶路刺那海以戲
下兵降殺禿滿迭兒函首京師誅忽刺解阿刺
帖木兒安童朶羅多塔海於國門之外齊王月
魯帖木兒元帥不花帖木兒乃起兵嚮開平曰
皇帝正大統於大都矣汝等知乎姦臣倒刺沙
囚首請死十月廿有二日庚戌奉皇帝璽來上
大業遂定明年己巳上固讓位於大兄明宗皇
帝命侍御史臣撒迪致讓奉迎三月戊辰丞相
護皇帝璽於北土明宗皇帝嘉之拜大師官階
如前迨明廟上賓皇帝游昇大位一歲之間為
天子佐命兼攝讓征伐之事而使中外清謐華

唐其世從殺太平於陣中餘夜遁甲午撤敦脫
脫木兒將兵追捕乙未諸侯王忽刺解指揮使
阿刺帖木兒安童自紫荆關口犯良鄉丙申我
軍循北山而西士皆馬上食馬以囊盛卓粟繫

世貸之也

且食至盧溝忽刺解兵潰凱還都人

貸字也音快

口填道入見天子無矜容馬上大慨已

亥進封荅刺罕太平王以其地為食邑降制褒
美功名烜耀刻黃金為印章以寵賚之珠對衣
寶帶一具荅刺罕華言世之也禿滿迭兒復
入虎北口戰檀州南殲之萬戶路刺那海以戲

下兵降殺禿滿迭兒函首京師誅忽刺解阿刺
帖木兒安童朶羅多塔海於國門之外齊王月
魯帖木兒元帥不花帖木兒乃起兵嚮開平曰
皇帝正大統於大都矣汝等知乎姦臣倒刺沙
囚首請死十月廿有二日庚戌奉皇帝璽來上
大業遂定明年己巳上固讓位於大兄明宗皇
帝命侍御史臣撒迪致讓奉迎三月戊辰丞相
護皇帝璽於北土明宗皇帝嘉之拜大師官階
如前迨明廟上賓皇帝游昇大位一歲之間為
天子佐命兼攝讓征伐之事而使中外清謐華

夏又寧者茲非天儲其才使與授命之君會遇
以成大業者歟文來奏上詔贈定策元勳名碑
嗚呼盛哉臣祖常拜手稽首而獻銘曰 皇帝
應天赫矣龍奮風霆不驚受命啓運曰皇帝武
皇御極惟昌靈在天惟祥神在廟惟享祐厥聖
子弗改以克作克一弗燕于室海上浴日車還周
遼陰隲我民上帝監觀儲茲師臣維茲師臣出
將入相戴我天子征伐揖讓桓桓于于有亟有
徐露刃袒呼虎旅疾趨達義禁中群疑未同縛
二三臣誓言於公君作君一大統之傳武皇帝有

子天序秩孰敢干紀聖祖明訓封建伯封分
地車旗屏翰林服孽臣萌芽交構我家神怒而
憤民恫而嗟于徒于旅闕其如虎伏忠履順有
弗義者斧地官金帛司馬介冑于時廷臣先事
恐後大車出之軍容大施扼其重關使不得突
馳羅絡森峙戢守攻具潢池弄兵志衆來赴載
同我馬東北之野斬鯢戮鯨血蟻地赭褫衣跣
徒日降萬夫號泣草間丐其完膚皇帝曰嘻丞
相汝勞晝日三錫寶帶珠袍丞相稽首是皆帝
社驍將賈勇及我弟與子十月日吉泉上玉璽

姦臣蹙顛泥首就死奠茲海寓登世萬千矢辭
貞石元勳之宣元勳之宣開國江埂子孫保之
維善慶弗愆

故貞節贈容國夫人薩法禮氏碑銘

夫人薩法禮故大斷事官雅老瓦實之女孫故
江淮等處行中書省平章政事阿里別之女故
贈榮祿大夫大司徒上柱國容國公帖木兒普
化之妻今朝列大夫治書御史阿魯忽克之母也
夫人生有淋德懿行未大顯著詔令臣祖常製
其碑辭始夫人歸故樞密追封昇王土土哈家

時王方窮荷干戈宣威萬里拓土開疆為國虎
臣貴盛光寵旌節焜耀夫人若常人女婦上堂
執婦道親進盥櫛無失容也已而帖木兒普化
出領達康廬州饒州等處食封戶達魯花赤夫
人隨之江南知民間衣食生業愈自抑損貴習
大德丙午帖木兒普化卒夫人年甫廿有九也
失泣喪服葬具有法既有喪亦不事塗澤面髮
殆如槁者以儉率下其家能完居廿有六年夫
人將六十矣建康府上事行御史臺行中書省
公牘交上中書下尚書准律可旌其門曰貞節

又十年為至順辛未夫人既卒矣子阿魯忽禿
請於朝追封容國夫人子四人曰禿魯曰和上
曰亦憐真並不仕而駿一今治書侍御史也痛
其母之早寡能以禮衛其身又教我使知讀書
有所樹立於時銜哀具儀告其寮友馬祖常曰
吾母貞節方諸古烈婦無以尚也今幸有詔命
汝為文以揭於碑祖常曰諾義宜為文矧我明
天子有詔乎臣聞有道之世比屋可封蓋民化
矣焉用所謂刑哉國家列聖治平重熙累洽其
男子多公卿將相之才其女子往々天資之以
專靜貞順之德然不為世所知者衆矣夫人子
賢乃得暴白之也謹按夫人于闐人祖雅老瓦
實充大斷事官者國初官制未遑立凡軍國機
務悉決于斷事官斷事官行治在燕鸞與尚駐
和寧中原數十百州之命脉繫焉非今日隸于
省院者也父阿里別以不附權臣而坐法故書
夫人之行而并著其祖考之實所以表其積善
之徵亦孝子慈孫之志也傳稱周南召南刑家
以及國則婦人之相其夫子者多矣天子屬臣
載於文者詎非廣教化之意歟臣祖常乃奉詔

百拜稽首而獻銘曰：有貞節，淋女早，嬪大家。
節其珩璜，不服于奢。上堂問姑，下堂事夫。進與
與一主饋，婉愉。夫官江南，實臨食封。夫人
喪，暨哀戚，靡容積年。彌堅弗隨，弗遷有司。騰書
表於里廛，豈惟女師。以義迪子，秉憲內外。震龍
遠近，始即泉丘。夫人開國，翟裼光華。令善惟飾，
舅尊為王。夫榮為公子，為臺臣。何憾于終，漂水
之陽。大江北，紆柏松亭。有碑龜趺，命勒銘詩。
天子所施，今日宜之。世之女師。

石田先生文集卷第十四

建德周氏藏書

石田先生文集卷第十五

行狀

贈亞中大夫順德路撫管董君行狀

君諱元姓董氏趙州柏鄉縣進德里人也考世增世服農畝喜文字孝事父母鄉井以善稱妣夏氏生三子長曰貞次曰成君之季子也君剛毅體幹魁岸迨金室之亂兄貞等各逃難避徒君獨留養親不去雖蹂于兵戈之衝而奉親之衣衾酒食必以時進或有暴于鄉者則率眾以禦之以是寇慙不敢相犯而鄉境帖然作業無

虞迨聖元戡定華夏寵綏流亡民日漸離愁苦思土著而在所豪猾乘時劫奪卑弱以自利君尤憫之族黨有逃亡而復歸者君即以完產而分給之微至井臼不深毀也由是人益高其義其年調民赴雲州治銀坑有司持民急甚君亦在行中又被檄督役其年故丞相淮安王使者入見上固命護工恙君執事恪謹及報政乃以其衆別藉也可皇太后位為綿戶仍署君為戶長蓋優之也居無幾棄之還里中家居課子孫讀書為儒生俾將有用於世也君平日務質朴不

事靡習不與人角利常以理論人不使之有爭
罔獄訟割財以周人之急每語人曰吾始以孤
童遭世運屯難出萬死之厄而長逢天下治康
而諸稚頗慧若將有成人之望噫天其所以相
我耶至元廿九年病卒於家享年七十有五葬
於先塋之兆葬之日執紼泣送者二千餘人後
以孫訥貴贈亞中大夫順德路提管輕車都尉
趙郡侯夫人夏氏追封趙郡夫人遂考於禮之
意而合葬焉有男子四人長曰進以子訥貴贈
嘉議大夫禮部尚書配文安趙氏封趙郡太夫

人次和次福次祐女子六人長適郭讓次適薛
寬次適番禹縣主簿孟瑛禮部有子二人長曰
訥以儒起家辟為燕南道廉訪書吏嘗以大節
自任轉拜監察御史對擊太師右丞相鐵木帖
兒在廷不敬震動一時由是敬應顯要政譽日
隆今官登大中大夫吏部尚書次早卒女四人
長適耿氏次適孟氏次適尹鐸次適趙德和有
子一人曰世傑提領順德等處雜戶女二人長
適楊祥道次適霍祿福有子一人曰誼女三人
長適郭明次適王隆次適稍端祐有子二人曰

諒曰誠吏部子二人曰衍資夙悟績文有緒已而不年曰維暨女二人皆多按董氏世出遠古而至廣川漢江郡仲舒名宦顯廣川為今河間地於柏鄉圻壤犬牙郡侯豈其苗裔耶不然名德之盛又何以異於自斬艾者哉初郡侯純薦力慕善道殊不知責報於天而必其子孫昌熾於後也但德鉅器大者福祿之所歸爾子每觀世之大人長者多不能偽茲豈非人所積歟若郡侯可謂求福不回者也予與吏部同官于朝而又同志于古也吏部屬狀其先世之行予奚辭焉願立言之君子重有以著於文俾孝子慈孫之志德昭其祖考之光美於罔極者是亦善之道而春秋之教也謹狀

傳

息妫傳

淮北壤有州曰息先息國也居申蔡沈頓胡黃之間自古國有南北分則受勦焉以是地大壤曠蓬茅聿興天元視四海為堂陞力田之祀多就墾焉有妫姓於凡妫中宦稱善播種事政殷厥家然大郡世之靡麗竒瓌淫冶纖絕可耐

可嗜者一切無所好俄為子求婦亡翁謀於其
媪曰今茲東家女清婉靜淑姿美甚年且盛可
當吾兒須召媒氏通懇懇頃之果召媒氏往問
媒氏乃過女父母家匿所過事陰覘女子病瘦
腫至不辯頸頤背如負箕腹下垂如斛目黑白
不分色漆墨卒自頃及踵無一善相媒氏竟去
報聘子婦者曰所問女不足當郎君萬一具言
狀其翁媪反訾媒氏謂間謀兩好且稱女子有
柔德能女工不論色也仍召他媒氏往他媒氏
性善佞承戒過女家既見女父母說陳國

媪氏聖舜苗裔今家同姓之國淮西頃有畝粟
千鍾地百頃資巨萬其子復丰姿容多才藝門
下女妾熟知儻母新賄我婢二姓合好則門下
女專有其家父母如所請期受聘金日丰相餽
他媒氏還報曰女子玉色豐類巧笑美目騰光
古毛嫱西子不敢近又刺綉剪縷雕鵬芝脂極
天下之工味願亟聘無怠否則為王侯夫人翁
媪喜不任比聘女先出束帛勞他媒氏乃別奉
白玉二黃金十鎰純繡采稱是請日納聘凡
翁媪內外族暨里閭所善聞之皆竊笑相與圖

告翁媪云他媒氏言于情先媒氏乃摘實耳
翁媪俱不聽命其子遂婚迎成禮女子既歸夫
家諗舅姑不我陋偵夫之覲我之不灼也警族
里之宿毀囓我也大肆專妒日凌其夫凡夫黨
之登其門者壺漿亦不饋焉惡聲彰著醜狀百
出雖夫之女兒弟佩履聲過戶外亦恚恨不解
居半歲舅姑怒於堂夫惡於室諸所與無不欲
速其夫之出之也久之沉憂積無所寄託於天
地之間屬淮濱大水曰自溺死世之女子至今
羞道焉太史公曰傳稱西子蒙不潔則人皆掩
鼻而過之雖有惡人齋戒沐浴則可以祀上帝
吾徵諸古君子可信使此女幽閑貞懿以組紉
為事不害其為賢也庶幾尚德之君子亦娶之
亦何乃用媚道賄媒進於夫夫初不灼見厥醜
久鮮不敗彼舅姑者擯良媒不聽信聾於他媒
氏納陋婦終致貌行不可掩積怨交惡稔禍室
家宜乎世之出婦也多矣

王氏傳

唐縣董堅妻王氏同縣人王瑄之女僉江南淞
西道廉訪司事世安之女弟初王氏嫁堅時年

十五堅父母在王氏居於室執婦道非饋食堂
上履不過寢門委、諸婦如間衣弊舊不補綴
十百空不棄或蚕得紉素即問舅姑孰與舅姑
不與人乃縫夫衣久之堅襲父職為均州翼管
軍百戶戍兩湖王氏留侍舅姑所至元丙子堅
將麾下兵從戍交趾與黎蠻戰死瓊州海上王
氏年甫二十七聞夫死喪失三年堅父母不忍
婦哀甚恐且死常慰唁之王氏悲脫簪珥不圖
澤面髮脣婦女容日手緝麻桌作纊布間剪刻
采繪象四時草木敷蕪俾人持入里巷區舍易
有滋味物食事舅姑益恭舅姑死王氏葬之棺
衾服布不賞貸於人且有二子鞠保盡慈稍長
使從鄉先生學古義二子後果有樹立為文吏
知名今王氏年六十七矣縣令丞上其事丞相
府丞相府下郡國曰有令旌其門可延祐甲寅
三月翰林侍讀學士清河元公為表曰貞節王
氏之門嗚呼真丈夫女也晉曰劉向叙列女傳
曹大家注不失義世傳此書又列之漢藝文志
女道於君子不翅十百倍何文學論著不已也
今唐縣王瓊女方諸古烈女何曠其傳信無疑

節婦高氏傳

畿內屬縣永清為黔南直村達永清之治所積以里者若干土衍而民樸其男子率能力田慕義不敢弛教而近刑故永清一縣居畿甸五方雜俗之中獨稱為鄉多善士然在男子之勸學迪德固其所宜而何足尚也若夫婦人女子之行有能卓然不為時俗之所移巍然挺身以節孝之美而無始終之異此雖縉紳君子猶或難之况婦女乎哉况婦女乎哉高氏者永清南鄉漆里村高澤之女也笄而嫁同縣南直村里之王用嫁九年而用死有二嬰女哇：以泣兩舅姑衣履日穿漏視高氏抱持二嬰心忤：內悲我子已死婦有女子無丈夫子婦一旦必棄王氏去後高氏紡績給養兩舅姑益謹比及老高氏事之過其夫用初死時比其終高氏謀棺衾塋且一如大家身自表率二女習女工閨門之中出入有限今長適某次適某自是闔永清之人悉以高氏為女師而尊敬之如此者四十年矣縣書其狀列上於大府請褒獎厥德藉用為勸府牒御史覆實禮部考制吏牘相徵無害於

建德周氏藏書

文然後命有司署表里門不後以事嗚呼俗之不善有司之過也茲永清之縣大夫知以善俗之意為政得請於上可謂有治民之術者矣故曰高氏之行而并及其官焉

石田先生文集卷第十五



建德周氏藏書

補錄石田先生文集正誤表

卷	數	頁	數	行	數	正	誤
卷二	五	後九	枝	枝	枝	枝	枝
	六	前九	澀	澀	澀	澀	澀
	六	後十	鞞	鞞	鞞	鞞	鞞
	七	前一	蹈	蹈	蹈	蹈	蹈
	七	後六	蓬	蓬	蓬	蓬	蓬
	七	後七	澀	澀	澀	澀	澀
	八	前十	顛	顛	顛	顛	顛
	十	後三	猿	猿	猿	猿	猿
	十一	後七	鞞	鞞	鞞	鞞	鞞
	十二	後一	對	對	對	對	對
卷二	一	後三	高	高	高	高	高
	三	前十	梢	梢	梢	梢	梢
	四	後五	柳榆	柳榆	柳榆	柳榆	柳榆
	五	後七	琳	琳	琳	琳	琳
卷二	四	後四	倭	倭	倭	倭	倭
	六	後十	薄	薄	薄	薄	薄
	七	前六	澀	澀	澀	澀	澀
	七	後三	商	商	商	商	商
	一	後九	枝	枝	枝	枝	枝
卷二	五	後九	枝	枝	枝	枝	枝
	六	前九	澀	澀	澀	澀	澀
	六	後十	鞞	鞞	鞞	鞞	鞞
	七	前一	蹈	蹈	蹈	蹈	蹈
	七	後六	蓬	蓬	蓬	蓬	蓬
	七	後七	澀	澀	澀	澀	澀
	八	前十	顛	顛	顛	顛	顛
	十	後三	猿	猿	猿	猿	猿
	十一	後七	鞞	鞞	鞞	鞞	鞞
	十二	後一	對	對	對	對	對

建德周氏藏書

建德周氏藏書

卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二	卷二
十二	十三	十四	十四	十六	十七	十七	十七	十八	十九	十九	十九	十九	十九	十九	十九	十九	十九	十九	十九	十九
後二	後二	後三	後三	後七	前二	前二	前七	後七	後十	後十	後十	後十	後十	後十	後十	後十	後十	後十	後十	後十
厲	清	眉	琅	稷	舊	疑是舊字	揚	郎	文	文	文	文	文	文	文	文	文	文	文	文
厲	清	肩	琅	稷	田	原作男	楊	郎	閑	閑	閑	閑	閑	閑	閑	閑	閑	閑	閑	閑

卷二	卷二	卷二	卷二	卷二	卷二	卷二	卷二	卷二	卷二	卷三	卷三	卷三	卷三	卷三	卷三	卷三	卷三	卷三	卷三	卷三
二十	二十一	二十一	二十一	二十二	二十二	二十二	二十二	二十二	二十二	二十四	二十四	二十四	二十四	二十四	二十四	二十四	二十四	二十四	二十四	二十四
後六	後九	後一	後七	後九	後九	後九	後九	後九	後九	後九	後九	後九	後九	後九	後九	後九	後九	後九	後九	後九
韃	鳧	曠	磬	樵	蔚	蔚	蔚	蔚	蔚	蔚	蔚	蔚	蔚	蔚	蔚	蔚	蔚	蔚	蔚	蔚
韃	鳧	曠	磬	樵	蔚	蔚	蔚	蔚	蔚	蔚	蔚	蔚	蔚	蔚	蔚	蔚	蔚	蔚	蔚	蔚

建德周氏藏書

建德周氏藏書

十一	十二	十二	十五	十七	十九	二十	廿一	廿一	廿二
後一	後四	後五	前四	後八	前一	後三	後四	後十	後五
柱	羸	灌	上	鳧	垂	斑	鳩	巡	掾
					偃				
柱	羸	灌	前	鳧	垂	班	鳩	巡	掾
					偃				

卷三

廿三	廿五	三十一	三十一	三十一	三十一	三十一	三十一	三十一	三十一
後四	前六	前四	前八	後七	前五	後八	後四	後六	前四
山	商	揚	鴻	箭	鏹	叢	疑	商	忽
淹									
衫	商	楊	鴻	箭	鏹	叢	原	商	忽
淹							作		

卷十四

建德周氏藏書

癸酉十一月并殺先生新得元刊馬石田集屬
補其闕佚以原書筆意與余相近也盡三月之
力補劄文三葉附錄八葉卷二三五葉卷三
二十七葉卷十四十五葉卷十五八葉所據之
本頗多譌悞為正悞表四葉都百十葉惟原書
精雅余何敢望其百一茲務全文而已工拙弗
之計也甲戌二月石雪居士徐宗浩識



補書馬石田集竟賦呈

并殺先生以正

簪花妙格何從得幾度摩挲慙
墨倘援微仲補蘇書苟以全文
克并殺雅好黃瞿儔宗元精
窮搜影傳古籍頻相投若
為君酬

甲戌春日石雪居士徐宗浩呈稿



圖書在版編目(CIP)數據

石田先生文集/[元]馬祖常撰.—北京:北京圖書館出版社,2006.12

(中華再造善本)

ISBN 7-5013-3048-4

I. 石… II. 馬… III. 古典文學—作品集—中國—元代

IV. I214.72

中國版本圖書館CIP數據核字(2006)第013847號



書名 石田先生文集(全十冊)
著者 [元]馬祖常 撰

發行版 北京圖書館出版社(100034 北京東四條大街北口東城區文華書局七號)
Tel: (010) 66151313 Fax: (010) 66174391

E-mail: Btsfxb@nlc.gov.cn

Website: www.nlcpress.com

印刷 北京文海圖書印務有限公司

印開 八

印張 九

版次 二〇〇六年十二月第一版 第一次印刷

印數 一—一〇〇

書號 ISBN 7-5013-3048-4 / K·1325

定價 三十一.70元

